

白  
華  
前  
稿

白華前稿卷第四十二

南漚 吳省欽 沖之

古今體詩學舍集二

咸陽

春樹夾春隄春風馬亂嘶天遙斗城北人上渭橋西塵  
細如濛霧沙灣不溜嘶古來宮殿瓦無處訪耕犁

茂陵

郢原西去茂陵雄青鳥飛迴玉盤空贏得通天臺畔表  
不煩李賀哭秋風

鼎湖龍馭冢衣冠一詔輪臺肉竟寒悽望茨陵風雨夜

魚燈深影照姍姍

裝羸抵興平疲蹶不前姜大尹

興周餽酒

羸綱馱我入西秦嘶遍咸原草色春豈爲飢腸缺芻秣  
轉憐健脚困風塵跨驢雅媿尋詩客走馬先逢送酒人  
吟付小紅歌一曲一杯忘卻滯留身

馬嵬

龍虎千軍一佛堂青天碧海恨茫茫人搜錦韞虛同穴  
客信金鈿返尚方豈有牽牛聽夜語竟無飛燕鬪春妝  
宦官崛起真如死此地驚心爲武皇

獨道郵程記劉  
瑾馬嵬王邨人

晚次武功

終南大嘉處人在武功天梯樹雲崩屋分谿雪灌田永  
懷少游語空復子卿賢借問康王里新聲少夜絃

武功題蘇武牧羝圖

海雲壓天墮鵲冰窖蕭條流沫誤落羊羣十九年  
崢嶸偏向草間活中朝虎節脫牛旄拜命無忘以起操  
肯爲窮荒生馬角怕教性命付鴻毛牧羝令下轉淒緊  
北似關門禁游牝單于解愛漢孤臣縱使乳成歸未準  
或齟或寢或施鞭不學降人袒左牽五口無聊長飲酪  
三生有數免吞氊終堂老母遲羔跪沙幕茫茫信遷徙  
折箠難令異種馴傳書忽詰穹廬充刀鏤熟視更何人

相對沾衣雙鬢循祇道彌藩作胡鬼誰知取轍送王臣  
甲帳樓臺路非昨特牢告廟空冥漠屬國長廩窳窳鄉  
真形高上麒麟閣忠信由來蠻貊孚試從州里訂頑恩  
丹青要表貞魂苦恥作河梁泣別圖

姜嫄廟

在武功稷山又城南臘祭坡有墓

元氣涵黎國靈居冠稷州弗祿天應禱續妣祖凝休配  
闕宮分魯民初系造周朝堂三十世原廟幾千秋漆水  
檐前滙岐山仗外浮上陵王迹變封邑母家留論德開  
睢啓爲祥降胤伴平疇空菽麥隘巷下羊牛簫鼓譌秦  
臘判櫬背蜀郵尚聞邠地古唐代耐公劉

周禮大司樂注周以后稷

爲始祖而姜嫄無所配是以立特廟祭之謂之闕宮詩  
似續妣祖箋妣先妣姜嫄也金雅林卿唐高郢姜嫄公  
劉新廟碑張  
誼書在邠州

### 班孟堅墓

班家邨去路南頭苦爲蘭臺說首邱九歲風華巾葉炳  
一朝雅故大家畱護軍豈謂丁文綢作賦還看甲選樓  
較勝季長絳紗帳後堂磨滅管絃愁

### 伏波廟

血食諸蠻過扶風是舊鄉練才兼穀土肖象外椒房前  
令冤偏切興王德易涼山川紛似米辛苦說開疆

### 岐山縣

秦地皆周地岐陽復美陽叢祠連好時壞道間陳倉偏  
棧山初大浮沙樹亦荒千秋論瑞應翾翾下歸昌

渡汧水入渭處

汧水練痕空悠悠渭水同小侯纔牧馬大老必占熊人  
影懸檜外蹄聲敗葉中更愁卽霧起前路白濛濛

自底店至寶雞作

岍山山翠玉玲瓏清渭分明落鏡中几谷茲泉人不省  
釣魚臺畔說非熊

野石如肝獵騎攜雄王雌霸本無稽岐山靈鳳魂長饒  
卻看陳倉祀碧雞

穴仄高穴白雲層邈邈仙蹤到未曾笑向蟠龍山驅瘞  
馬一川如畫是金陵

益門鎮

朝發寶雞城耳食棧形劣涉渭孤影清冷翠照明滅浩  
然登首塗蕭林語騷屑稍稍山市開木杪挂巖穴前峯  
盤後峯峯上太古雪百蟲不到處石骨醺枯槩奇勢抗  
蹇嶮真氣祕苑結澤垂人涕長血灑馬蹄熱重門倚益  
州幾日吾弭節迴首瞰秦川庚庚路如截

度觀音嶺至和尚原

先驚驚凍雷剗剗打枯澗澗絕峯故連坤軸互冥眩山



農恡尺利滑石半山半火耕錮暖氣窖雪白片片其餘  
不受雪簪影密無間蝟蟻萬藤蘿千仞賊仰見行行到  
腳底欲斫那可斷與夫苦雪後一步一顛攬神州勢如  
蛇昂首尾斯貫魏公圖中原慷慨具深算命將資二吳  
列柵兼守戰遂殲常勝兵雜贅稍亡竄新險吾乍投遺  
壘客難辨擇肉來虎狼山泥蹟交徧

煎茶坪

沿山偃古樹蟹爪攪寒色神工綴繁花密凌浩虛白鷄  
人來往煩入蹄奪寸石險滑介萬難蹉跌下無極前峯  
塞馬頭欲南路反北隨轉隨上扳全湧立四壁燭龍條

吐空炯碎蕩心魄孤青界積素乘氣混闔闢下坪魂稍  
甦捋髮受一擲大蘭河赴階文撇捩箭鋒直越竟朝大  
江不屑就河伯爨烟出茹韋相顧生太息吾家老宣撫  
神臂坐卻敵倚勝恢數州河陝庶全克班師奉朝命三  
駟失籌策廟堂和已成戰守議何益誰爲劉齡兒踞地  
枉投幘

曉度長橋抵草涼驛飯

棧程戒貪曉及曉色反掩天獄排百重歎飲氣昏慘蕭  
蕭響連騎長板嫏花苜成梁利川涉而以駕厓广喙息  
參攷行如豆點數點黑風吹散關半罅裂門店尚聞壞

鐘敲不見大旗閃襲雍暨伐魏漢業集遙感君看故道  
水直逝勢難檢鸞鶴是何峯今宵夢成魘

鳳縣戲和少鈍

爪指懸樅酒潑灰行人孤負鳳州來如何晚地金絲影  
不入宜春苑裏栽

鳳嶺

我辭豆積山言指廢邱驛徘徊三五里夷衍散人迹破  
荒入雄嶂石齒奮銜屐十步峯九迴籛條面峯脊及脊  
峯更危意外豎絕壁朱藤萬年敲黃壤一撮瘠抵死撐  
九天欲下嘆安得縱無鳴鳥儀或有怪鴉翻東頭佛髻

青西頭海潮白高標納萬象神鬼出奇力蟻豕領來程  
濃氛黯將夕

心紅峽

高嶺俯峽形臙黑太陰閉窻井緣斷厓良坎怒爭位迴  
颯驅病葉積尺覆危地扶攜出纖路折礧滾澎湃蕩搖  
虛無根石梁怨迢遞堂隍鎮上頭陲作削成勢一面沿  
一灣丹屏負吳員烟霞亘鴻濛隔水見放悲孤清挺草  
木餘藻掠巾袂羈心憚荒棧塊獨獻幽媚俗駕且淹留  
爲園笑金翠

宿南星題壁上果卿畫松

不  
錫地安行李南星響夕風雲雷三峽迴日月四山空貞  
樹生堂上眞王道漢中龍鱗看出手籌筆古人同

柴關

榆林無一榆松林無一松岩岩度柴關夾磴接蒙茸凍  
葉梢不脫僵立槍苔濃層氛變巖雪挂樹皆玉龍時門  
拗餘怒平搜行人胸山妖更亡賴斂喙呼酸風石棱舞  
輕鷺萬木將奔從青藤插根柢作意交彌縫漆林軼太  
半春賽雞豚供安得斬槎檠浩浩消擎蹤樹盡石無盡  
當關踴黑熊跼促下寒阜魂悸心煩沖

紫柏山留侯廟示八十六道人青渠

留侯竟訪赤松子泰棧爲祠紫柏山山帶南星分洞府  
祠傳西漢抗商顏六韜玉帳書終棄九轉丹鑪藥未還  
蒼鬢道人開九十前生可在穀城間

馬鞍嶺

輿轎平告隴嶺累甌迭起伏馬鞍二十四礮礮側愁目  
甫登畫眉關虬徑類蝸縮磨牙伺奇鬼猿猱伴宵哭百  
上始絕陁一下卽墮谷力持軒輊交伎倆見差熟誰邊  
擂大鼓萬丈陷地軸鮫鼉弄狡獪河底桂飛瀑緣河升  
降慳賈勇奮投足黃石爛不僵青櫟死未禿居人斷樵  
徑走險習麋鹿顧影竝蒼然策策響寒木

馬道

傳是鄧侯  
追淮陰處

接嶺冬青樹清江攬黑龍摩天人數點滾水路千重欄  
馬紅牆短迷花翠嶂濃不知追信客何處一停蹤

觀音碕

傾厓鼓疾水碕險甚漩磧稽首呼佛慈聞名轉心惻青  
橋來蜿蜒碎路似襏積非無馬倒虞且努鼈行力峻嶒  
幾扇屏扇扇逞敲仄晴天打急雨白練中去深墨巨靈  
股箕踞紆避那可卽灣洄隨掉鯨牆塹亘閉塞併命突  
一龕象王太慘刻頑洞割朝昏悽惶喪食息寸石天所  
持鏟削利不百出險盼須臾客顏土同色

雞頭關

梯雲無路馬行難  
高振天雞岌岌冠  
豁達星辰中土斷  
蕭寥鐘鼓上方寒  
岷嶓秀色如樓起  
沔漢清流作帶蟠  
卻記虞初論節帥  
山神放霧滿林端

燒棧行

散關南裊口北走陳倉  
去天尺祖龍死一龍赤  
關中無宅漢中宅  
過棧燒棧劫灰黑  
東還安得假羽翼  
假羽翼還定秦  
重瞳不利騅  
逡巡阿房何苦成  
焦土此棧長行  
千萬人

褒城



一笑開千里城灣復水灣  
水涵星漢淨城落棧雲頑  
問稼人終隱看花女獨還  
銜杯重題壁此後願無山

定軍山謁諸葛武侯墓

天意銷炎曜宗臣閔定軍  
飛騰才十倍慘淡業三分  
龍臥空流輩魚依及主君  
關張情翕習伊呂望諄殷  
遂戢南人叛長驅北寇氛  
雜耕須爾爾投老祇云云  
大將星芒黯羣讐雨涕云  
棺桐纔附梓坪樹獨開墳  
鼓吹聲靈闇樵蘇禁令聞  
陣圖懸複嶺祠屋下斜曛  
爲拜清高象猶思灑落勦  
塵蒙金鉞彩草長石琴紋  
附墓封難逮填衢祭尚紛  
鶴歸魂窈窈芭舞態熏熏  
沮洳光縈繞裊斜

勢泯勢一坏乾在否腸斷惠陵雲

晚次沔縣

崇柯招夕霏墟烟曖華薄松塘散春影瀟照在高郭沔  
流澹容與隔浦語歸鶴晚捩喧驛樓昏鐘殷僧閣羈棕  
畏重阻慙此慰宵酌定秦緬雄圖匡漢悽前略何限越  
鄉心東皋迨耕作

蔡壩

白馬嚴關外青羊廢驛邊籃輿渡天漢奇事要人傳

金堆鋪

下金堆過上金堆競說松龍捷徑開數盡鞭絲烏帽影

何人果向左擔回

五丁峽

王涯辨仙掌近理挾堂奧至神無迹象陌壁妄見告昌  
意娶蜀山人烟久通照肝渾天地初有空不容鑿梁州  
錯雍州自古禹力到西東帶二漢星精象維肖漾源出  
嶓嶭乘載利親導涓涓石罅穿汨汨樹根冒滙流茲峽  
間龍窟倚蹇界水立山轉孤戰合昆陽譟撼盪莽帶鬆  
崩駁性靈拗一縱始潰奔入褒理輕權下峽下南紀上  
峽上西徼褰裳赴懸瀑顛頂壓危峭泐泐元氣蒸摩豁  
眞宰耗方知洛洞年早闢華陽道五丁五石牛郭說適

騰笑馬老能識塗崎嶇任孤造

寧羗雨宿

甕底荒城在沿緣草色萋水生銀渚上天盡劍關西草  
昧紅狼寇蕭寥白馬氏客留欣遇雨殿茵染春泥

雨次黃壩

暮宿羊鹿坪朝食牢固關秦棧報垂盡食宿行開顏棧  
險本在秦灘險本在楚蜀險祇脅從濟惡惡去春雨雨  
天無片晴雨路無寸平溼泥墮雲頂半程遙十程止止  
緒如麻行行面如土誰慰寂寥心援聲三四五

七盤嶺

微涓溜蒼澗潛源涇於綫秦蜀區鴻溝及境喜欲旋單  
椒露秀澤錐影卓霄半迴盤覓幽磴白鱗引蝸篆團團  
效循磨獢獢類穿窬何年事鍛削龍骨蛻千片樓臺四  
無地支木作腰襜清鐘間畫角商氣撲春甸衣間巴樹  
縈烏下隴雲濺杜陵佳賞處山色古未變祇苦上天難  
凌風少飛翰頰首斂吟鞘蹉落命真賤

籌筆驛

萬里中原挂驛前宗臣籌策淚痕連斧斨隱受元公寄  
刀筆羞同故相傳應信楊顓諫校簿可堪卻正草降牋  
風雲寥落星芒冷咄咄書成休問天

龍洞背

靈物尊蛭淵鍊精細浮芥騰凌豁洞府而我相其背背  
滑騎未勝洞深出欲潰上爲睥睨橫旁爲閭闔對舉收  
待細數上元陰激鉞鍛駭濤掀萬斛朝暮震砰湃似憐  
沮漢怪一涌助羣派行空龍渴日匿曜避三舍蒼寒斂  
巖竇春水盡可怪竟須掣鱗尾付與羲和腕呼龍種烟  
草登策意同快

次朝天鎮

風旌到峽低高樹看驅雞鳥掠依巖魴人耕戴石泥斷  
雲秦嶺外下水漢江西漸信春心老楊花烟路迷

朝天峽

滄波滸巖罅孤碧變陰默經棧肝膽靡談笑赴灘險枕  
流山竅開萬夫受重广龍門上中下斧蹟大且儼稍藉  
勾闌扶并用鐵鎖孽邸閣無復存厥制昭不掩韋公抗  
事通道鍛伐衆銜感嵌空成萬龕金象恣雕鑿江動象  
亦動餅拂光爍閃袒肩效喜歡決皆示陰慘殛爲巖陸  
行作頌匪諛諂我舟大於葉磬折岸如斬掀舵腕一鬆  
陂堂伺眈眈水禽避荒怪側翅振餘敢葵藿死未萌梓  
蕤棄不檢含睟別烏奴蓬牕片痕染

廣元升次雜題

龍門閣險下葭萌閨位無端牝主生一等瑤光工奪堦  
祇嫌鸚鵡太聰明

攜賓載酒炫春遊腰笏躬牽刺史舟問狀默然佗騎去  
買絲翻擬繡崔侯

古渡冥冥枯柏彫未煩斷竹架長橋青鳳傳幸傷心史  
喜見雙魚夾畫橈

水驛空濛水堠雙巴飲要眇細分腔天雄觀上鐘聲起  
又送驚魂到客艖

費敬侯墓

孫盛蜀諸益州諸費有名位者  
多黃鶴樓記仙象世傳是禪

益州諸費多名位惟大將軍望更深德力量紆中夏計



純良懸慰老臣心從容辨賊覘基劫叵測降奴伺酒淫  
此地堂封楚江遠鶴樓橫笛咽龍吟

天雄閣雨憩

天雄閣隱牛頭半東斗闌干日中見八牕微裂援鳥迴  
多少征人淚流霰後馬頭頂前馬蹏兩蹏一搜升一梯  
千梯萬梯逼霄漢喘息溢涌慳扶攜隴樹膠葛秦樹低  
嘉陵江樹較近翻悽迷怪爾斷無尺株寸杪媚烟色惟  
有鐵棱破碎如鱗如甲龍公塌地排青霓是時牛頭蹏  
怒欲銜閣黑翹吹帽壞裘薄纖雲碎闕冰子落祇到牛  
腰不到腳焉得喚起五丁力士來奮率犁作田岩屯炊

烟留此供眺西山雪嶺東日邊我行不能住不得玉女  
開笑電接壁

劍門

石骨排城起重霄睨一門到關無二馬下樹忽千猿攻  
戰興朝宋避銘題巨筆存君看劍谿水黯黯亦銷魂

姜伯約墓

一膽包東夏崎嶇戰伐名反旗嘗走敵斷饒輒收兵乘  
隙天心去逃讒主信傾空關守關處宰樹暮雲橫

武連

覺苑寺有放翁詩碑  
及紹興庚申修學碑

意外蕩墟烟則驅報武連一圍山對驛幾頃石分田檜

影清搖夢花香暖破禪逍遙樓不見須話紹興年

七曲山梓潼神廟

廟有獻賊金臉綠袍象乾隆十七年始毀

文昌神乃是斗魁戴筐之六星五爲司中六司祿以植  
燎祀傳禮經今之廟貌遍區宇梓潼山頂云最靈其山  
七曲水九曲曲水遶練山開屏丹闔半啟抽簫簞綠袍  
烏幘形肖亦神肖朱衣老吏執簡趨於辦盤陀片石神  
所暝乘氣彷彿翔天庭如龍白馬八尺九尺問何用立  
仗驕秣歌駟駟或云呂光或孟昶不若孝友張仲雷儀  
型不獨手授氏王鐵如意鑄鼎作賦喚起衆子祖穉心  
魂醒一賊金臉飄紫紵隅日隅坐如有聽吹簫貫箭骨

成粉妖狐依社百年後始滿餘腥當時冒竊初祖冀神  
祐神佑舊邦雞犬肯使屠伯惡滿道天刑能捍大難典  
宜祀況說歲貢雷杆千載而上飛驚霆是神是星語象  
涉恟恍雲旗畫卷青天青七曲倘應帝車次齋戒穆卜  
持筭筵

送險亭

五婦山橫點翠屏水觀音響玉瑤玕人間陸險踰川險  
送險亭如至喜亭

梓潼望李業石關

郎當聲遶縣樓偏好片川原喜欲顛卻怪長卿臺下過

居人忘說巨游賢

舊綿州

淡烟喬木鬱婆娑瓦鼓歌連豆子歌杜老津頭行鯁鯉  
越王樓上罨藤蘿源浮雒水歸差便治徙羅江蹟尚多  
記取西川風候暖閏年二月種秋禾

龐靖侯墓

墓在白馬關落鳳坡其西有臺俗謂之將軍臺

仗策歸龍種分支傍鹿門謚沿侯爵貴望擁將臺尊斷  
手披留牘同心載後軒數言徐定計一薦便酬恩算盡  
時偏左創深景故昏鳳毛摧敝笈驥骨價虛轅遂盡三  
分國同悲五丈原風雲埋檜柏涕淚竹蘭蓀宏長曾褒

史循良亦裕昆亭亭山護影湛湛路招魂白馬刊難待  
朱鵬拜弗諼荒坡驅短轡鄭重蘇碑捫三國名臣贊士  
元宏長四川通  
志涪州有統子涪陵太守肱石關杜  
詩鹿頭何亭亭鹿頭關今名白馬

### 漢州

霧樹接風苗鵝黃酒旆招人烟金雁驛祠火石犀橋野  
色濃於水春陰永似朝西湖裘屐地懷古劇超遙

### 彌牟鎮觀八陣圖

春田騷騷沈礫車負羈健兒鼓龍胡彌牟渡邊解鞍坐  
八陣突見胡甸切當頭圖土城四門就礮滅六十四魁猶

撐扶魁方一丈高三尺漢尺較短今宜殊兩陣對若夾

城仗百二十八魁森如風雲天地聽號令何物敢抗神  
姦謀盡轅日高播鼓袍丞相巾扇黑輶輿翠蓋金鈇備  
儀從虎賁六十翹跼曲屯精銳盡環甲披執或逮荒  
賓渠干戈萬槩指麾定截若界畫開爰閭神光離合倏  
千變鉤陳元武遙天樞森騰霧塞雨雪颯退作山立聞  
山呼天生王佐祕神授握奇經可參陰符丞相感激報  
三顧智在誠至非形摹銅釜自熟木牛走祇此易理中  
潛孚卽如此陣勒寶憲燕然銘績朝單于人之無良罪  
斯大四維四正拋土苴孟獲不服仲達嘆營壘安足論  
毀譽河南墓域昨親拜有圖未覩心煩紆夔州踟躕亦

好在恨不翦魏吞強吳明神如水志如日敢乞靈佑殲  
蠻奴曰武擔壇土畱寸馬頭積照懸成都

初抵成都其末簡王秋汀覲廷兩大尹

琴囊書篋卸裝廉日近重三勝地兼占象媿持星使節  
卜居思傍市人簾海棠樓暖春舒藟石筍街寒土沒尖  
要檢角巾行錦里髭霜緩向領邊添

黑水堯封域奠梁蜀山支庶紀高陽城安龜背空庠谿  
國化鵲魂太渺茫幾代金輿辭後主一庭碧瓦繫何王  
毘嵐曠劫連兵火畢竟詩翁贖草堂

參旗井絡影溟濛霽景難流吠犬同豈有山川歸李特



更無父老怨唐蒙碧雞關罷崇坊壞金雁書來古驛通  
不獨東吳懸萬里舩校回首五雲中

三四  
集句

錦波濯濯綯機絲低堰深灘稻亦宜偶爲金川飛羽檄  
肯教玉室廢絳詩笥衣屨趁天公換蓐食多叨地主遺  
好語軒車兩王吉看排江硯仿韓碑

白華前稿卷第四十三

南遷

古今體詩學合集三

惠陵

統正王分鼎園荒客拜陵三綱嚴漢賊一體託疑丞  
早歷諸艱況還來巨剽稱蒼靈聞上告赤伏見中興  
覺起荊州借兵煩益部徵連營雖合沓亂轍太陵就  
遣勅宏垂示歸喪儼式憑衣冠遊鳳輦樵採遭魚燈  
豈謂降旗豎徒教哭廟騰郵翁喧臘祭詩史痛年崩  
尚憶全川劫能呵複隧乘春鵲催暖序水鶴語寒  
陸綿竹陰交花樓

桑氣自蒸翠碑殘綠字玉殿就金繩後主祠終廢宗臣  
座特增夾漳疑塚滿臨眺孰沾膺

顧晴沙觀察坐上試蒙頂茶

蒙山影簇五蓮辦旅平特書禹功建當時作貢無莠芽

玉甃銀餅爲誰勸

自候銀瓶試  
蒙頂放翁句

誰披中頂栽八株鐵幹

棱棱記炎漢高者強尺餘網之采采爲期夏將半二泉

居士來錦江酌我一甌僅雙片展如柳葉病且黃泛若

雪花白猶嫩味之忘味行舍旃欲劑薑鹽笑偏聚迭呼

兩椀更三椀齟齬齟齬漱千遍初嫌交淡酒如元漸訝

回甘果同諫熱氣灑脫清氣生始悔淺夫少深見方當

茶信登上清欄楯重重撤孤院縣帖府帖紛劫磨絹封  
箬封急關傳蛻遺鱗甲非偶然下視諸園土同賤君不  
見諸園口業資賣茶幾代權場過打箭禹功在山不在  
此仙種雖殊何足羨君鄰頌消焙有期我住吳淞調無  
券論古空思捉戍嚴通夷要識防邊善此山叱馭吾必  
經莫以區區費茗職

少陵草堂

出郭烟光淨分塍綠靄沈江關庾信宅涕淚屈平心弟  
妹家何託賓僚道自任草堂頻往返感事劇蕭森  
五載成都住憑誰寄少貲柴門江入畫錦里日留詩草

栗南鄰富干戈巨寇移元戎勞駐馬未必有艱危  
室廢猶存寺蒼碑蝕瘳蛟映階縈薜髮隔院引藤梢佛  
火寒初地貞魂戀樂郊清江南浦外辛苦幾編茅  
浣花溪縱好我愛浣花翁遺象風塵合孤名海嶽同杜  
鵑啼慘切橙樹影迷濛不比雲亭蹟荒苔沒舊叢

訪石室故址

禮殿迹已銷講堂址猶在俎豆揚莘莘西京澤斯慨是  
邦服俗移西南仰都會子雲字體奇長卿賦心內誰知  
黼黻才迫自循良輩太守來漢廷化蜀著風裁受經與  
草元承學啓龔黷圖象嗟不存弦歌幸無沫森森相映

階淺淺草侵廡未聞稷下談庶見鴻都概代興有高朕  
栗主食堪配獲醜賦言旋吾將此釋菜

得王述庵考功軍中書卻寄

絲管紛紛聽浹旬書來窮微話前塵江湖疎火雙鑿鎮  
月事丁丑三秋暑微風五鳳闔聚散暑經基換局飛沈那問  
路迷津一聞挾纊軍心暖劍外官人冷亦春

棘門灞上耀雕弧細柳分明說亞夫策効平蠻信公等  
文成諭蜀倚吾徒戰場舊識鯨池劫陣法新懸魚復圖  
各報昇平無大劍腐儒襟抱祇區區

漁莊歸隱香艸同峯洲文章兩考功

彝仲官考功主事

不比軍

寮徵杜老尚煩禮殿訂文翁

來書有倡修石室之屬

吾循髻髻侵

霜白君對旌旗裏血紅借問門生來捧檄亭前可復載

鄉筒

謂鑑南

淒涼破瑟促相絃家問應教我替傳嬌女知書依塾右  
老親善飯倚閭前投非孤注呼能轉識是當歸夢定圓  
目斷馬蹄忙送喜剪燈先埽屋東偏

武擔山

玉魚蒙葬地遠擔武都泥絕豔山精化歸魂石鏡迷露  
華疑黛粉春信過棠梨太息升壇葉蒼茫杜宇啼

青羊宮觀銅羊

青羊宮左羊帖伏十指捫摩滑如穀遂寧相國供道場

不自屠羊肆中鬻

魚洋初至蜀尚有石羊再至鮑官古則失之矣今羊係遂寧所產

城稀勝遊石室元亭莽平陸城南騰踴信馬蹄記說關

門度函谷傳經豈待河上詮後會還從蜀中卜尹於羊

肆來克期一笑忘言慰幽獨金文照耀誰共窺紫氣縈

回那留宿爾時爾羊知在無不化青牛角穀觶一從灰

劫經紅羊陌上銅駝草皆鞠唐宗故事祠混元莫怪黃

巾誣七曲坑儒之厄茲適丁月黑天陰鬼紛哭爾羊幸

不生爾時免與鼎彝付錢局

獻賦詭稱試士驅至青羊宮殺之又括蜀藩所蓄古

鼎及城內外銅象鑄大順錢

方今討逆越松維腹走磨驚賊日賊羊



白華前稿

卷之三

四

如有神能觸之范像于門酬亦足區區戀此復奚爲銘  
字無多且百讀流聞疴癢關剝膚恣摸羊頭及羊腹手  
所乍到痛輒蠲醫院銅人效同速我無美疾容諦觀琳  
宇盤桓媿清福豆瓜灌圃水泔泔松檜翻階風謾謾鞭  
之不勤叱不磨何處五羊穗銜穀

薛濤井

校書推曹郎乃有良家女塗粉兼埽眉芳名動軍府錦  
江春色多閉門枕江滸長波染短牋紅采映霞縷裁書  
固慙慙得句亦娉嫵英英枇杷花昵昵鸚鵡語志墓得  
鉅公豈直爲歌舞人去井到今井存人益古湛然林竹

邊汲綆禁攜取載訊碧雞坊吟樓少遺礎

鑑南戶部於選格當收鄜州頃權倖重慶赴營  
以詩寄之

不到梁州命不真當年乞外祇緣貧且收弄筆分牋手  
暫作評柴運米身詩老例應蹤寄蜀選人格本路經秦  
芋田糧布知何許欲聽渝歌渺後因

蓬婆城外檄紛催縱說從軍異秀才礮火晝青穿幕至

匣刀夜嘯破凋迴賓僚落手能磨盾師友

謂述庵璞面

談心

或舉杯莫道鑑南佳識少劍南也自鑑湖來

耳山以君號鑑南宜

有劍南之役故及之

課庸編竹籬作

九種珍川植家家竹影篩鋪堂看擘簾護宅教編籬磊  
落休芟節扶疎爲斫枝紛排同簣密橫隄戒根敲短短  
牆先及疎疎徑或窺貓頭成象蚤鹿眼命名奇也許牽  
蘿補寧煩插槿爲黃蘆嫌撲遯蒼根笑離披地溼欣通  
透風威耐壓欺安排重九會采菊賦新詩

馴馬橋

斥鴳守枋榆高鴻翔寥廓男兒志四方意氣凌陵轍長  
卿東受經師命守維恪忽櫻結馴心遂著題橋作賦性  
本輕華安肯戀窮約入貲願已違薦文履尤錯他時欄

矢驅邊徼耀開拓逸水告成梁名都驗懸笮居然精衛  
填家江晒涔勾小儒急功名鄉里盡惟虐雖前滌器羞  
奚當棄繻畧雄藩稱七橋占象應星絡茲橋跨細流徑  
丈喻橫約貴時衆悟希賤日士懷忤明經取青紫漢代  
俗先薄亦有敝貂人蕭條感垂橐

爲研齋明府題竹礪清陰圖

礪邊疎竹竹邊身冷翠無多也絕塵爲謝好風翻月影  
蕭蕭長和苦吟人

滄浪亭子鎖莓苔曾倚朱絲汎碧迴今日研齋清似水  
那無小史抱琴來

黯淡秋痕點越羅錦城相見意如何試拈竹嘯軒中句  
一片華年委逝波

圖作於甲戌  
有沈歸愚記

食杞

官廚如散僧放箸厭豪侈畦韭先破襌聲價壓琅綺竝  
誇蜀薑鮮焉論巢菜美意行百無求忽見圃生杞綠米  
糝茸茸青蕤點葉葉采宜茶候監滷用井華水亦知苦  
寒性終得清淨理蔬香帶藥味芳菊庶堪比嗟爾名類  
繁釋詩昧宗旨爲吟隰有篇枸櫞實徵此寧煩鹽豉加  
況及蕨筍始謝彼肉食相來佐管城子

喜得少鈍大安驛書

乍辭蜀棧闕秦棧不寄家書附客書題處近仍千里內  
到來迅已一旬餘爲言唱賭雙鬟香祇願烽傳隻堠虛  
風便訊煩通幕府節端歸準慰門閭

雨後

夜雨響新瓦攬衣何限心數聲啼鳥緩幾處落花深遙  
嘯吐微翠疎牕含薄陰幽人倚芳樹無語坐調琴

仇英阿房宮圖

絳宮鱗鱗蕩霞綺鳳旗五丈豎梁底帶河踐華是皇州  
那惜咸陽三百里金銀隱見胡甸切列仙家複道如弦馳  
翠華照膽直懸龍鏡古娛心長倚雁筍斜輶輦東來卷

衣散美人鐘鼓籍炎漢一闕繁華焦炬飛沐猴狂笑成  
奇觀土木爲妖大厦歆未央黃瓦又開基豈有遺風閔  
周室祇餘明月照秦時十洲作畫矜亡轍渭水驪山幾  
興滅賦才慙婉杜司勳禪強吟成夜悽絕

題合裴吳興諸趙畫幅

土淨烟空點欲無一花一葉惹秋蕪水晶宮裏王孫畫  
憔悴何曾似左徒

子昂蘭

蘭亭小字認斜行瓷斗蘆簾位重當非九十三莖亦好

祇應呼作水仙王

子固水仙

蒼涼翠袖感蕭晨林下風

本絕倫端出散枝斑竹影

湘夫人對管夫人

仲姬竹

一蹄一蹴一嘶風韓幹丹青肉近豐留配乃公圖滾馬

不知文采爲誰工

仲穆馬

二王法帖三蘇筆閨閣論才畢竟難如此人家如此手

玉鴉叉上幾回看

### 騎射

淵雲久不作卓卻安可無蜀都美遊射選士成一途腰  
間大羽箭腰下龍文駒飛光激流電鼓吏交雙抱近前  
紛唱咄神氣中晏如頻年亟西討失伍嚴逃遁廝養亦  
可在民壯皆堪驅小戎解大義爾豈忘執殳戰功庶以



邀射經惜以迂井儀數前典一笑良區區

明莊烈帝御履歌

履以布爲之簽記製造年月及工價聞後門  
外西什庫有貯者爲賦

信王邸似代王邸璽綬光迎作天子已憐末造觀黃星  
乍拾遺聞補彤史布履標題出內家公桑采采屏銘華  
宵長幸罷提鈴警暑短季從添綫誇尚功四屬首司製  
繡綦彩紉互聯綴揣稱停勻玉趾宜鉤稽瑱碎金刀計  
孝陵徒步起江東芾烏焜煌來會同每見高昌輪白疊  
那論蜀道貢黃箒視朝繩非尙家法中葉衰頽大瑞狎

牌禁先同敞屣遺山呼要把文綸壓手除元惡運乾綱  
膝袴曾勞七首藏沙隄屢卜麻糝繫淵藪難摧草屨芒  
履霜不戒堅冰寸附螳也蠶帝京困六宮香牒半捐生  
豈有官家事行遯天步艱難日脚沈海棠紅影淚沾襟  
飄然隻履升西土識記流傳枉用心起居當日甘卑惡  
銅輦櫻棚映帷薄拆綫終虛報國材曳聲真散朝元閣  
百年踐土德兼威什庫留蹤鑒式微  
興朝將相雄  
冠劍舊跡南陽是布衣

屋漏

山泥黏壁席鋪椽有罅無光溜急穿滴瀝銅壺聽未準

三  
模糊漆簡寫難全風來東北稀乾土

吳諺東北風雨太公

路入西

南本漏天誰道油衣難勝瓦征蠻小隊去如烟

### 蜀錦

開國尊鸞叢授時習蠶市迢迢天漢間占星粲遐邇夜  
來支機石落地詔恢恢其城名錦城其水號錦水水波  
如練明濯錦還增美綜染匠作窮輸募院司倚側聞九  
壁邛雜組蔚霞起作貢答暈繁告身盤毬委折枝興象  
生到眼眩金紫蕃馬千百羣折換數難紀論價壓花羅  
馳聲先粉紙邀牀多士夫纏頭誌歡喜豈知寒女梭軋  
軋皴十指我觀布帛饒寶賤載前史黼黻推卿雲大文

廣衣被斐成雖燦然所貴豈在此  
國家罷錦官匪直  
戒淫侈纂繡害女工不寒政攸始欲求七襄報頗媿九  
張擬白賁筮邱園闇然貴貞履

蟬噪林逾靜得林字

杳杳復沈沈  
蜩蟬沸暮林  
噪騰驚座叻  
靜悟樂山心  
濁穢身須蛻  
清華口漫瘖  
孤青迴石響  
一碧走商音  
促數攔街唱  
蕭疎落葉吟  
聒來方嘒嘒  
翳處轉森森  
涼影雙搔鬢  
幽期獨理琴  
殘聲風曳去  
知隔幾重深

孫夫人按劍圖

太阿搖搖光逼厓  
步幢明珠秋水大  
如花衆婢刀在腰

那有夫人銳翻挫阿兄斫案怒冲斗劉郎劈石如拉朽  
雌雄會合賊膽褫誰喉師婚啓戎首攔江鼓吹喧歸寧  
惠陵弓劍天沈冥杜鵑亂啼老蠟哭荒磯風雨宵揚靈  
我聞長鉞短七習吳俗教戰深官法九黷斬蛇事業鼎  
三分二喬亦把兵書讀金幄采旄檀霸才望夫戀母恨  
難裁傷心爲語熊羆將休作江東貉女猜

屢得璞函戶部昔領軍中書卻寄

少年同學壯同官同宅同居誼最難豈意獄詞連白漏  
故教戎幕覓身安荆隆學語攜蠻府劇孟流名倚將壇  
尚憶淇泉驚執手君行我返涕沈瀾

簡詩雄健迴無倫  
犵鳥猧花點戰塵  
不是曠懷經決盪  
那能瘦骨露精神  
魚將安訊排都準  
鵲報歸期驗少真  
差喜年來官入手  
俸錢且療一家貧

萬里迢迢戍出滇  
東山零雨訂三年  
還從萬里橋前去  
更把三年微外捐  
金甲春銷需荷未  
羽書曉勘替籌邊  
誰知烽火連營夜  
細數行藏寄矮牋

幾輩荷衣上學堂  
孺人也離藥鑪旁  
挈來老僕逢迎慣  
謝去佳兒往返忙  
何處班荆聯舊雨  
今朝題扇記端陽  
同爲歷井捫參客  
隔面依然是各鄉

雨發成都

行人未發雨先來雨歇雲濃撥不開衣上痕沾非濯錦  
簾前響走似離堆更愁甲士添寒瘧敢信丁夫減熱埃  
籬外槿花烟冥冥短簑高屐插秧回

雙流

縣有商瞿祠因瞿  
上鄉而附會者

金花橋外路金翠別龜城響驟雙江冥烟疎一縣晴馬  
蹄山驛遠鷺頂水田清闕里雲山迴誰留學易名

新津渡江

一江三四渡一渡兩三人淺草飢黃犢亂蒲行白鱗近  
山低似屋好雨細於塵何限桑麻影濛濛夾去津

邛州使院古桂行示姚秋塘陳六峯

桂乎桂乎不爲高節竹柱我緣厓涉坑谷又不爲連株  
桑陰陰十畝枝拂牆山精木客咄荒院爾何連蠅不死  
撈昂藏一東一西作人立高者如拱下如揖今年小暑  
作去黃梅雷火撥空夜靈泣服食劉安太遲回倚眠吳  
質增嗚咽州城之南大成殿兩階老樹眼親見劫脫魚  
羊物有神吟邀蘭竹時同賤川香山廬山三詠語歲華晚晚如汝  
何要汝作花要我歌我歌雖好姿婆娑勿使黃爵紛爭  
窠君不見鷓鴣一聲衆芳死涼影團團拾桂子

題楊邛州吟風閣曲譜

紅男綠女鬧連廂南部烟花點綴忙卻把湘東三樣管



教人枯淚涇淋浪

曾載箏琶泝玉京舊人一一米嘉榮竹枝夜續巴猿斷  
滾作梁州意外聲

臨邛佳話播千春導弩挑琴有部民豔殺唐蒙開蜀事  
班師偏說渡瀘人

倚閣吟風苦費才康王樂府冷如灰木牀自度楊家曲  
誰付梨園菊部來

邛州咏古

郭裏山光郭外田人家團住竹林邊寒侵伏雨辭瓜果  
路控征蠻輟管絃挾彈有仙

張遠  
霄

非孟昶回槎何客是

張騫邛江一掬東流水但聽濤聲亦惘然

樹喚鵲鵲瓦竄鼯誰將高鴈訪君平支機石爛年磨碣

賣卦錢空臘沸笙一鏡似煩神物護半簾已令世人傾

劇憐卜肆從遊侶投閣蕭條草蔓繁

謝承後漢書遵雅性高鴈曝書亭集

有君平  
遺錢歌

好片銅山屬鄧通後來程卓竝稱雄先驅負弩爭諸汝

雜作當盧故惱公車騎易因賢令重琴絲難得美人同

犁田也發耕夫慨幾甕遺錢暈碧紅

僞學紛紛待別裁鶴山風義拔塵埃黨爭苦恨朝廷小

侶課欣聞伯仲陪畧比胡安垂易洞謾同司馬築琴臺

自註月未  
迎暉閣下經三宿欲辨心香冷未灰

長卿琴臺

雍容車騎出塵來一曲求凰絕世才  
餐遍春山眉黛影妝臺不見見琴臺

西禪東封託後車蕭條病肺恨何如  
平生未負凌雲賞爲有垂堂諫獵書

文君井

臨邛亦都會街南競施綆銀牀幹未摧  
碧甃石猶炯不土井不輒輪囷選諸嶺  
自非損嫁錢安能辦斯井獨疑壁立人  
典裘走如鋌兆異羸瓶凶用宜滌器洞  
綺琴對

綠鬢鑑此春風影一從餘潤分買宅謝公等如何白頭  
吟無波心耿耿覆水恨難收高山賞誰省將毋消渴時  
祇酌金莖冷古來屨井多汙比塗泥淳名士悅傾城遺  
區劇凄哽畧存放誕名未構清華境陵谷幾遷移門楣  
尚微倖回睇遠山橫眉痕學妍靚

大暑前三日霽登迎暉閣望灌口諸山積雪

我行觸暑弭雙節十數晝夜天瓢傾青袍拱手竦於鵠  
檐溜奮奪蒼蠅聲亦登高閣縱懷抱溼雲如絮團彭亨  
曉來鼓角響瀏亮卻怪乾龍無一鳴好山知我課晴意  
芙蓉幾朵排修莖亂峯西北入深處倒射朝氣搖光晶

鱗鱗鬻鬻界微白點綴禿髯頭孤撐寒暄氣候變殊域  
謂是昨雪飛三更不然巨靈拔偏癢一角戲截我峭平  
獠奴拊掌笑無那雪山公豈忘嘉名是山眠且傍前口  
西嶽佐命尊青城太乙九仙闕巖洞以此封徑人難爭  
鴻荒到今古萬萬漸流霰集誰虧成漢蕃分戒緊誰力  
此山此雪長崢嶸比年兩酋作峒負鳥道如綫驅天兵  
弓韃屢屏出邨灌萬幕喧注紛瓶笙當其雨止雪轉橫  
雪霽又聽奔雷轟夏蟲語冰可三嘆空展簾簾敲棊枰  
夜棉午扇我尚爾千餘里況懸邊營中秋果留此堪喫  
無負雪月輝泠泠

復霽登閣望遠山積雪不見

鳥翅騰騰隱翠堆高寒誰見雪皚皚衡雲海市空雙絕  
伏雨闌風僅一開六月登樓嫌好事幾時蠟屐媿非才  
優曇花影真彈指萬喚千呼更不來

發邛州宿百丈驛

驛後有  
栖霞山

日出城烏飛喜色動徒御漸移晝堞陰遂截綵舟渡流  
泉浸良苗淡烟隱遠樹頗覺所歷高罷飯大塘戍前峯  
知幾重點點引涼鷺複翠生柴扉孤青下松路廢縣雖  
不存孤館幸如故亭亭衆曲屏座後作環護江南一髮  
山僧紹渺何處笳鼓且勿喧迢迢夢歸去

金雞關

大雞何昂然高戴大蒙頂我循蒙麓行彼雌伏其影不  
飛復不鳴金距爲誰猛豈知乘樛人旅平費咨傲厥背  
田可犁厥背路猶梗守關纔一夫老痿目微青語我行  
嵩南絕險推相嶺義城半晌晴杉檜六月冷顧此如穀  
雛雙轡請徐秉險夷遇有常在心豈在境慎毋怯小敵  
盜且祝平等咄哉折臂翁浩歌忘酸哽下望蒙陽城一  
環滄烟井

蔡山或名周公山

昨發百丈驛遙見周公山爭長惟大蒙西東聳兩鬟何

年盤混沌界以江勢潏高低繚千堞左右縈七盤山名堂  
堂武鄉侯在昔勞駐鞍周情與孔夢寤寐儀心顏自來  
伊呂儔豈屑蕭曹班伏弩示神授缺斯歌生還所嗟冲  
幼主晚節終惛屏要其作廟初降監驚百蠻羌髡誓牧  
野公亦殷痾瘵欲語戒輕吐下有龍穴蟠